

יְהוָה יְהוָה לְמַשְׁעֵן לְיָה
APHORISMI PHYSICI,
DE
EFFLUVIIS
CORPORUM
NATURALIUM
ATMOSPHÆRAM,

QVOS,

In suffragio Cel. Philos. Ord. in Reg. Acad. Aboënsi,

PRÆSIDE

CAROLO FRIDER.
MENNANDER,

Scient. Natur. PROFESS. Reg. & Ordin.

PASTORE in Rändämäki, nec non
Reg. Acad. Svec. Scient. MEMBRO,

PRO GRADU

Publico Candidorum examini subjicit

ALUMNUS REGIUS,

ANDREAS ACHÄNDER,

SALACUNDENSIS.

In Auditorio Majori, ad diem. XIII Julii, Ann. MDCCLI.

Horis ante meridiem consuetis.

ABOË, Impresit Direct. & Typogi. Reg. Magn. Duc. Finland.

JACOB MERCKELL.

VIRO Amplissimo atque Celeberrimo,
DN. MAG. ALGOTHO A.
SCARIN,

Hist. & Phil. Civ. in regia Academia Aboënsi PROFESSORI,
Regiaeque Bibliothecæ PRAEFECTO.

VIRO Amplissimo atque Celeberrimo,
DN. MAG. JACOBO
GADOLIN,

Observatori Astronom. Reg. & Philosophiae PROFESSORI Extra-
ord. Facult. Phil. h. t. DECANO maxime spectabili.

MÆCENATIBUS MAGNIS.

AEterna, Viri Celeberrimi, pietatis lex, quæ pro benefactis, ni-
rependi possint, gratum imprimis exigit animum, omne hic fert
punctum, dum hasce rudi brachio elaboratas pagellas Vestris imponere
aris audeo. Jubet id etiam hactenus intra pectoris latebras recondita
Nominum Vestrorum, bodie vero in apricum erumpere gestiens, vene-
ratio. Svuadet denique confiditia ulterioris obtinendi favoris, quem
ut hactenus, ita & in posterum humillimus mibi expero. Si vero como-
potem me voti bujus fieri volueritis, certus confido, Vos, Viri Ce-
leberrimi, cibymiamata hac, quæ ex effluviis atmosphæricis præ se
ferunt titulum, eadem fronte, qua semper me adspicere haud fuisse
designati, etiam recepturos. Ad DEUM vota emittere calidissima
pro perenni vita Vestra uberrimis felicitatis floribus conspergenda,
nunquam intermittam; quod sibi ae Optimis Mæcenatibus, inter
alios, gratulari queat.

Amplissimorum atque Celeberrimorum NOMI-
NUM VESTRORUM

Cultor humillimas,
ANDREAS ACHANDER.
YACOB MERCETTI.



APHORISMUS I.

Non secus ac tellus ipsa atmosphäram possidet, corpora etiam naturalia continuo exhalantia effluviis quibusdam suis cinguntur, quæ in atmosphäricum, qui inde nomen habet, aërem se exonerant; cuius quidem rei multiplici experientia innotuerunt phænomena.

APHOR. II.

Est humanum corpus ex innumeris tubulis capillaribus contextum, quorum orificia pori dicuntur. Horum majores nudis etiam oculis, minores armatis sunt conspicui. Et detexisse se perhibet *Leewenhæckius* in spatio arenulæ magnitudine horum centum & viginti quatuor mille. Transpirat ex his continuo in statu sanitatis effluviorum caterva. Quibus addenda est illa, quæ per anhelitum ex poris pulmonum, faucium & oris ejicitur, quæque circiter sextam partem totius constituit. In cute manuum & pedum hominis poros largiores & ampliores

A

pliores

pliores observavit *Grewius*, quam alibi; quibus hunc imprimis usum adjudicat, quod evacuationi particularum noxiarum & perspirabilium maxime inferunt.

APH. III.

Sunt hæc effuvia adeo subtilia, ut in aëre calidiori videri nequeant. Æstate tamen sudoris particulæ ex patentibus illis meatibus copiose extillantes conspici possunt. Et si, calente corpore, in frigida loca subterranea quis descenderit, mox atmosphæra exhalationum, veluti nube Junonia cinctum animadverteret. Speculum vel politum metallum tactu hominis obnubilatur. Manus vitro immissa ejus latera evaporatione sua humectat. Ut alia taceamus,

APH. IV.

Transpirationis insensibilis indolem & quantitatem per triginta annorum experimenta detexit & accurata libra examinavit *Sanctorius a Sanctorio*, evicitque, hominis sani exhalationes constituere plusquam dimidium, vel $\frac{1}{2}$ partes ingestorum.

APH. V.

Instituit hanc ponderationem suam in aëre Italo calidiori. In frigidioribus transpirationem insensi-

sensibilem esse minorem & ratio docet, & capta
aliorum pericula. *Jacobi Keillii nimirum in Anglia,*
De Gorteri in Batavia, & Dodarti Morinique in
Gallia. Qvibus ostenditur, transpirationem in-
sensibilem, quæ in Italia est, ad sensibiles evacua-
tiones, ut 5 ad 3. Parisiis illam servare rationem,
quam habent 15. ad 12 vel 10. Et noctis unius
transpirationem heic non adscendere ultra 30 uncias,
qua tamen in Italia ultra 40 evacuantur.
In Batavia ex 93 cibi & potus unciosis 49 transpi-
ratio consumit, 8 alvus, 36 vesica exonerat. Et
denique in Anglia aliter hæc se habere animad-
veria sunt, ita ut 24 horarum transpiratio non
adscendat ultra 31 uncias; & transpirans materia,
quæ ad vesicæ ejectamenta in Italia servat ratio-
nem 5 ad 2, heic ut 3 ad 4 se habeat.

APH. VI.

In patria aliqua nostram transpirationem de-
terminantia experimenta fuisse capta nondum con-
stat. Qvorum tamen utilitatem adeo commen-
dat Nob. & Exp. Archiater *Rosén*, Comp. Anat.
p: 227. ut eum, qui transpirationis in Svetbia
instituere valeret determinationem, regno majus
acceleraturum commodum judicet, quam alium,

qui vel mille egregia inveniret medicamina; cum transpirationis in climate nostro ratione cognita, simul pateret, quomodo morbos avertere possemus.

APH. VII.

Iisdem legibus, quibus gignimur, crescimus & nutrimur, etiam dissipamur & destruimur; modusque nutritivus sine destructivo concipi non potest, sed se mutuo sovent & juvant. Homo itaque, dum vitam orditum, simuletiam mori incipit,

APH. VIII.

Numerus pororum, per quos effluvia ex corpore animali transpirare innuimus, est in diversis corporibus omnino diversus. Dependet enim hic ex magnitudine superficierum, ac particularum corpus constituentium vel arctiore vel rariore cohaesione. Hinc etiam effuviorum ex diversis subjectis vel largior vel parcior animadvertis potest copia. Nec, ut aeris temperiem prætereamus in hac evaporationis & exhalationis diversitate, ipsius cutis, qua humana reliquorumque animantium corpora induuntur, compactus dinis vel majoris vel minoris, negligenda est ratio.

APH. IX.

Innumeras & prorsus stupendæ subtilitatis particulas per hæc pororum orificia e corporibus

bus indies emanare non minus rationi, quam experientia consonum est. Sunt vero illæ, pro diversitate ingestorum & idiosyncrasia, in diversis subjectis differentis indolis.

APH. X.

Transpirationis hujus insensibilis existentia in ceteris animalibus vel ex analogia inferri posset, nisi eadem ex illorum sudore & halitibus varie odoratis, alisque indiciis semet abunde proderet.

APH. XI.

Neque dubitandum est, eam in vegetabilibus quoque locum habere. Idque apparet, modo quis perpendat, quam facile deficiente succo vel etiam a nimio soliscalore marcescant. Ostendunt vero experimenta *Halesiana*, illam in multis plantis esse humana insigniter majorem.

APH. XII.

Animalium & vegetabilium corpora, quæ exhalantem materiam in ærem circumambientem exonerare facilitiore negotio concipi & animadverti possunt, non modo hæc effuvia emittunt; verum etiam corpora compactiora, quæ multo ad hoc negotium videntur ineptiora, & de quibus vix hoc quis suspicaretur, hac indole prædita esse indefessu

defessi evincunt naturæ scrutatores. Hujusmodi inter alia sunt glacies & lignum. Illius enim frustum, sub tolerabili primo, dein vero vehementi frigore, probæ bilanci imposuit Boyleus, & comprehendebat, aliquot horarum spatio ejus pondus & volumen sensibiliter imminutum fuisse. Lignum, etiamsi probe jam aridum, bilanci agillunæ superimpositum, ponderis sui aliquam itidem perdidisse expertus est partem. Ex hac decrementa ad corporum in aërem evaporationem concludunt naturæ indagatores. Simile ponderis decrementum etiam pati observantur aromatum genera, ova fructusque, licet firmissimo instruci cortice ac tegumento; ut alia silentio involvamus.

APH. XIII.

Mineralia & metalla, quæ in terræ visceribus recondita latent, sunt procul dubio corpora transpirabilia, magnamque particularum suarum multitudinem per poros telluris in auram emittentia. Calor aut subterraneus aut solaris harum adscensum caussatur & promovet.

APH. XIV.

Metallorum duriorum adhuc carentium, utpote ferri, effuvia, naribus opificum graveolentia, ignis

nis extrudere, hominibusque perceptibiles reddere valet.

APH. XV.

Omne metallum ad ignem admotum, auro & argento exceptis, volatile redditur. Homogeneitatem inter omnes horum partes autumat *Bærhaavins* fuisse rationem, cur experimenta Boylei, qui aurum sumvit perfectissimum, posuitque illud in oculum fornacis, ubi calor fuit vehementissimus, ostenderent tamen, aurum ultra duos menses in igne, qui continuum fluxum caussabatur, absq; ulla ponderis perstisset imminutione. Gallorum vero experimenta, per duplicata Tschirnhausii specula caustica, instituta, aurum quoque avolasse indicant. Certe & hæc rapacibus sulphuribus mixta dissipantur.

APH. XVI.

In durissimis etiam, quæ in rerum natura dantur, corporibus effluviorum adesse motum & permeatum adamantes Boyleani tam rudes quam politi ostendunt. Idipsum duriora quoque corpora electrica manifestant. Mirabiles magnetis effectus, qui acum, post tabulam ligneam collocatam, ad se adtrahere valet, eo etiam quidam referunt. Ex hac ejus

ejus vi Tschirnhausius est arbitratus, partes magnetis
adhuc esse subtiliores, quam materiam solarem,
quæ quidem vitrum, non tamen lignum metallaque;
in instanti transire valet.

APH. XVII.

Licet maxima pars corporum naturalium eo
largiore halituum & evaporationum transspi-
ret copiam, quo corpus æquatori est proprius; non
tamen omnia corpora huic auscultant proportioni.
Nam etiamsi animalia & vegetabilia eo abundan-
tiorem manifestent transpirationem, quo calidio-
rem inhabitant auram, aquarum tamen evapora-
tionem in climatibus septentrionalibus notabiliter
esse æquatorialibus majorem *Holmienia* compro-
banit acta.

APH. XVIII.

Maximam ex vegetabilibus animalibusque ex-
halantis materiæ partem esse aquosam dubio omni-
no carerit. Ostendunt etiam aquarum evaporatio-
nes, copiosissime semper in aëre adesse aquæ
corpuscula. Vaporum ex solo mari mediterraneo
24 horarum intervallo adscendentium, quantita-
tem \$280 doliorum millions æquare ex observa-
tis suis detexit *Hallejus*, cuius asserto quam proxi-
mam

mam conciliant probabilitatem etiam solertissimo-
rum naturæ scrutatorum suffragia. Aqua vero
marina, quæ multis heterogeneis scatet particu-
lis, multo evaporat tardius, quam purior aqua
fontana, pluvia aut fluviatilis.

APH. XIX.

Cum per singulas corporum classes ire nimis
prolixum esset, illa vero generatim sint vel flu-
ida, in quibus perquam exigua est partium cohæ-
sio, vel solida, quæ tamen porosa indole gaudent,
ad eoque ita sunt pervia, ut facile ex portionibus
illorum subtilioribus aliquid abradatur, & in aë-
rem projiciatur; vel hinc apparet, corpora o-
mnia esse emittendis effluviis & habendis atmo-
sphæris idonea. Conf. inter alios Boyleum in
exercit, de atmosphæris corporum consistentium.

APH. XX.

Adscensus halituum & evaporationum in ar-
mosphærā genuina caussa in diversa duxit phy-
sicos tam antiquiorum quam sequiorum etiam
temporum; neque videtur illa res adhuc plane
ad liquidum deducta. Interim tamen calori &
aëris elasticitati, particularum etiam exhalantium
subtilitati in hoc negotio partes suas adscribimus;

et si non negemus, alias quoque concurrere posse rationes effluviorum adscensui inservientes. Sublato calore, exhalationes ex corporibus cessant, gravescunt & ad quietem particulæ sunt pronissimæ. Admisso iterum eodem, illæ mox se motui accingunt.

APH. XXI.

Effluvia in aëre volitantia eandem cum corporibus, ex quibus prodierunt, possident naturam, similesque cum iis sàpissime edunt effectus. Tontplex itaque eorum est natura, quotplex ipsorum corporum, quibus ortum & natales debent. Sed insuper sub motu suo vagabundo quaquavorum in aëre diverlimode inter se miscentur, ex qua mixtura mirabiles haud raro excitari possunt effectus & phænomena. Chaos itaque quoddam naturæ in aëre paravit divina sapientia, & apothecas, unde, quories libet, meteora deponit & spectanda exhibet.

APH. XXII.

Adscendent effluvia diversæ naturæ ad diversam in atmosphæra altitudinem. Qvanta vero sit ipsius columnæ aëreæ telluri nostræ incumbentis elevatio, & quanta a superficie terræ distantia illa,

ad

ad quam effluvia levissima in aërem atmosphær. cum elevantur, nondum a physicis exacte est determinatum. Esse etiam hanc altitudinem variam pro ratione caloris & elasticitatis, aliarumq; variantium circumstantiarum, ivadet & ratio & experientia. Hinc etiam factum est, ut genuina & constans atmosphæræ altitudinis determinatio, & media ratio, qua se habet, inter desiderata referratur.

APH. XXIII.

Triplex imprimis est via, per quam ad altitudinis atmosphæræ cognitionem se pertingere posse crediderunt eruditi. Quidam hanc altitudinem determinare voluerunt ex radiorum solarium in crepusculis refractione; alii per tubos barometricos; alii denique ex materiis phlogisticis in aëre coruscantibus, lucentibusque: Ast cum hæ viæ difficultatibus passim sint involutæ, hinc, nodum hunc sapientiori seculo rite solvendum relinqueret, necessum omnino est.

APH. XXIV.

Calculi enim, quos in altitudine atmosphæræ indaganda *Keplerus* ex refractionibus, & *Mariottus* per barometra, de æquali rarefientiæ aëris

progressione deduxerunt, veritati non sunt confor-
mes. Illos re ipsa esse largiores ipse agnovit Keple-
rus. Hos iterum, ut non ultra quam ad 3 pri-
morum pollicum hydrargyri in baroscopio pro-
portionem quam proxime accedentes, tentamini-
bus suis refragari ostenderunt Casinus & Maral-
dus. Animadvertebant enim hi, raritatem aëris
in altissimorum montium apicibus multo supera-
re regulam progressionis a Mariotto conjectam.
Qvorum observatis etiam inter alia Muschenbroe-
kiana conspirant experimenta.

APH. XXV.

Ex diversa telluris statione respectu solis, calo-
ris & frigoris, adeoque etiam raritatis & densi-
tatis atmosphæræ oritur vicissitudo, altitudinis ejus
determinationem multis obstruens impedimentis.
Qvo enim tellus a sole magis est calefacta, eo
magis se expandit aër, unde etiam atmosphæræ
a terra elevatur distantia. Oppositorum vero op-
posita est ratio.

APH. XXVI.

Ventorum etiam vel vaporibus aut varii ge-
neris exhalationibus repletorum, vel iis minus tur-
gido-

gidorum; diversitates, huic determinationi injiciunt moram haud facile superandam.

APH. XXVII.

Sunt, qui ex aurora boreali, phlogistis aëreis aliisque phosphoris ignitis atmosphæræ altitudinis ineunt determinationem. Sed nec hæc methodus huic rei rite expediundæ sufficere videtur. Unde enim constare poterit, hæc elevatissimam atmosphæræ regionem & limites occupare? Ignoratis præterea diaphani aërei, in sublimi, genuinis affectionibus, elasticitatis regulis, luminariumque aëreorum intimiori natura, nec non similibus aliis in hac indagine requisitis necessariis, nec limites atmosphæræ determinare est in potestate nostra.

הַכְזָרֶל לְאֱלֹהִים



BENEDICTUS RIBO
GUST. AP.

CLARISSIME DOMINE CANDIDATE, INFORMATOR fidelissime.

Dicitamen legis naturalis mortalibus injungit, ut, quæ conditioni vita
sue desint, anquirere, suumque statum quisque perficere annitatur.
Respicit hæc obligatio non nostrum modo corpus, ut de ejus dignita-
te augenda solliciti esse debeamus, sed in primis animum, cui, per naturam,
prudentia virtutis habitus nullus, nisi potentialiter inest. Hæc officia, quæ
reflexa dicuntur, & inter vitæ munera, quæ socialia audiunt, principem sibi
vindicant locum, quisquis neglexerit, næ ille opportunitatem, quâ exsplende-
scere deberent naturæ dona sua, per nequitiam prodegisse sit censendus. Certe,
quæ præcorum temporum acutiora fuere ingenia, imo cum his etiam recenti-
oribus ævi philosophi, acriori censura fratres ignorantia & ignavia ejus modi
perstrinxere, cum lutum sanguine maceratum esse, neque nisi pro sale, ne
putiscat corpus, animam habere dixerunt, cui ea indoles & a natura tamen
vis inest, ut quo magis exercetur, eo ad bene beatoque vivendum plus præsidii
eidem inist, eo corruptioni minus obnoxia sit censenda. Eorum vero vitæ ra-
tio, quibus nil suppetit, unde suis aliorumve necessitatibus subvenire possint,
quam diametraliter veritati inimica sit, nemo, nisi talpa fuerit cœcior, non
videt. Sed cum nec hujus loci, neque mensura virium mearum sit tractatio ista,
ad ea, quæ presentis sunt instituti, stylum converto. Naturæ perfectionem, inter eme-
tiendum arduum virtutis studium, Temet, Clar. Domine Candidate, in oculis
habuisse perpetuo vidimus. In artibus, non ex trivio desuntis, sed iis im-
primis, quæ humanæ mentis nutrimenta audiunt, strenue elaborasse Te-
met, una mecum, imo me melius, PATRES Civesque Academie
hujus ad unum omnes norunt. Quantum vero circa adolescentiæ meæ
institutionem, & in bono perfectionem, diligentia, quantum in regendo æta-
tis meæ lubrico providentia curaeque, triennio prope integro, adhibueris,
cum non verbis, nedum facto ipso assequi unquam possim, ne beneficii gra-
tiam animo perdidisse videar, dum vivam, impediò enitar. Mihi dixisse
sufficiat, diligentia & virtute Tua ad honesti studium & amorem Te mihi præ-
visse, mihiique viam, qua ad indeflexam maturitatem incedere oporteat,
voce & exemplo præmonstrasse. Adspiret in posterum studiis Tuis cœli
MENS provida, faveantque conatibus Tuis Sacrarum Camenarum Antifites.
Ita sedulo & ardenter opto, amicæ ac fideli Tuæ in litteris & moribus direcio-
ni te in posterum quoque commendans.

CLARISSIMO NOMINI TUO

devinotissimus
BENEDICTUS KROOK
GUST. fil.